



雲南鄉試錄序



上卽位七載己卯秋天天下復當大

比士于鄉御史劉維奉



陛命按雲南得監臨簾內外事簾

以內以先期巡按御史帥

詳

所禮聘教諭

時 孳

暨彭

師 主

王

時 輔

謝

慎

郭

立

之

訓

道

注

量楊秉鉞職考校簾以外則

左布政使方良曙右叅政王

續之職提調按察使湯仰副

使歐陽柏職監試下至百執

事皆遴選分寘遵故事惟謹

而取提學副使劉伯燮所掄

士一千三百有奇鎖院三試

以之拔雋四十五人并梓其文

獻時孽以故事當序簡始序曰

昔言人才之興關乎地靈茲

地金碧蒼華之勝上薄紫霄

昆池洱海泓演不可際豈非

秀淑所鍾乎故自設科賓興

以來原本山川引美賢籍無
慮數十見諸士誦往牒而思
齊亦既飫聞之矣時 孳鄙淺
于道不能博大豈復有所更
張其說以新諸士哉第于今
幸從一日之雅願近言之而
勿之侈焉爾夫諸士以文進

今天下

昌運載隆文治熙洽章縫擗管
揚議在所斌斌柄薦者慮華
盛而實衰恐無以象

上旨而端純尚也于是防厲言深
益縮然而不敢自信于多士

時 孳

竊謂此可槩論天下士

爾其于滇也不然

時

嘗讀

輿誌滇故僻處西南壤由楚
躋開疆漢季置吏代取葆就
羈縻而已俗不曉文字元和
時許叔北業受五經歸以授
其鄉里六詔始知學焉顧其
時亦不過家擅私藝以倡導

耳目使人知所謂中華文物
之昭然爾非能程習其訓而
致之爲世需也我

皇祖闢造

區宇一旦

建序作人開

制羅秀士應期而起者雲蒸霞變

頌洗靡莫之陋久道化成

肅皇帝遂列專科待之至我

皇上在宥復從廣額而取之虞不

盡其材矣得非

聖德振發之神而人心善奮亦有
不囿于風氣者乎且其地險
逖四方遊談不至至于今通

經之子守師論而宗本旨無
邪說詖行以汨其心凡披服
效法而矢之詞者猶有

祖宗時敦龐純固之舊焉抑又幸
矣夫求之于昔士之無所緣
襲而興旣若彼觀之于今士
之有所持循而恪又若此然

則語其華也固中省之所難
而思挽其實也視中省爲獨
易故閱諸士所爲文皆平正
綜覈不墮邇歲奇詭空幻之
弊誠克釋主司懼而爲

國家得人慶矣雖然此特其敷
敘之言爾士固有先乎言而

後乎言者其念慮所根設施
所著遽能懸度而逆觀之乎
假使棄華就實矣率勉強脩
詞而非中心之安舉而措之
不足以治三家則又不若華
之爲愈也不見滇之所產以
爲世資者乎鑛金井璧紫貝

蒼珉出深山而登大聚精爽
色澤照耀一時而無復韞孕
矣然金可以鍛璧可以琢貝
可以通有無珉可礪器具人
是以市而收之彼盤石土苴
豈不朴茂衆且揮之不顧焉
故士之言華而有適猶得爲

華實而無當奚取于實今擬
諸士曰金璧貝珉則沾沾隱
喜曰盤石曰土苴寧不內歎
而羞居之苟或見諸躬蹈而
同異乃相反則詎惟物產之
不肖而人且謂今日求實之
說其謂何矣故諸士始陳道

德根極理要而謂之實中陳
法制上下典章而謂之實終
陳方略切中時務而謂之實

時 孽

不敢謂實也

時

孽

所謂

實者舉如是之說一切效之
公家展采立節艱巨崇卑罔不
奏績而事詞允相顧焉則衣

之被體而始信其爲布帛食
之果腹而始信其爲菽粟由
是執此以病紈緹珍錯雖美
而非以養生也誰曰不可哉
書曰嘉言罔攸伏野無遺賢
記曰事君先資其言拜自獻
其身以成信言一也實之于

今日不過爲嘉而實之于異
日則爲成信二者不同若筵
與楹諸士子宜何處焉古述
帝德光天至于海隅萬邦黎獻共
爲

帝臣其敬應之遠若此今
皇上率崇沕穆垂

意本實卽陬溘巖穴阻深閭習咸
麗于光明而翕然同風矣滇
雖距

神京萬里然士霑被

德教何至疎比于海之隅乎况其
初興起于

聖人之世其志慮貞靜視中省而

尤稱廩廩者乎茲列榮際

盛續食縣次而偕

闕廷行將莫不有爲臣之寄也
其尚始終一心言行一轍人
人務踐履其生平以仰承

帝德也哉夫是則庶稱滇之士華
而不靡實而有用

時孳

不佞

可藉口以復諸大夫而昔人
所謂山川之靈亦或者其非
漫也巳語曰欲正其影者端
其表欲清其流者澄其源欲
諸士之敦實當自

時孳

始故

于錄成解

貢之日不敢綺組高深以文其

說而直屬數語于簡端用明
告誠之意云是舉也鎮守黔
國公沐昌祚恩威奕世人士
傾從巡撫都御史饒仁侃保
圍宣猷右文振化拊楯所洽
興起為深其綜理于外勞勩
共成則左叅政李良臣右叅

政李文續右叅議駱問禮副

使徐可久劉翹鄭恭僉事顧

養謙胡僖羅良禎署都指揮

僉事江濬其圖成于始嗣以

擢任行則右布政使林烜章

僉事王希元葉憲以入

賀行則左叅議羅向辰僉事詹

洪基 署都指揮僉事曹清 例
得並書者也書之

陝西鳳翔府郿縣儒學教諭

李時 孳 謹序

萬曆七年雲南鄉試

監臨官

巡按雲南監察御史劉維

德絃湖廣江陵縣人
甲子貢士

提調官

雲南等處承宣布政使司左布政使方良曙

子賓直隸欽縣人
癸丑進士

雲南等處承宣布政使司右叅政王續之

大卿四川南充縣人
壬戌進士

監試官

雲南等處提刑按察司按察使湯仰

子山四川新都縣人
己未進士

雲南等處提刑按察司副使歐陽栢

惟承湖廣潛江縣人
戊辰進士

考試官

陝西鳳翔府郿縣儒學教諭李時孳

茂夫陝西洋縣人
丁卯貢士

四川成都府華陽縣儒學教諭彭師古

永卿湖廣公安縣人
丁卯貢士

同考試官

浙江嘉興府崇德縣儒學教諭王時輔

左卿江西臨川縣人
乙卯貢士

江西九江府彭澤縣儒學教諭謝慎

以思湖廣石首縣人
戊午貢士

浙江寧波府象山縣儒學教諭郭立之

道守福建晉江縣人
甲子貢士

浙江台州府黃巖縣儒學訓導莊量

維宏福建同安縣人
庚午貢士

四川成都府儒學訓導楊秉鉞

德威貴州貴陽府籍直隸深縣人
庚午貢士

印卷官

雲南都指揮使司斷事司斷事劉通

亨甫四川越雋衛人
監生

雲南等處承宣使司經歷唐宗智

體貞四川茂州人
監生

收掌試卷官

雲南府知府洪邦光

世龍福建同安縣人
戊辰進士

永昌軍民府知府單詩

以正河南固始縣人
戊午貢士

楚雄府知府張廷臣

伯鄰廣東番禺縣人
壬戌進士

武定軍民府知府辛存仁

體元貴州烏撒衛籍
山東沂州人
戊午貢士

受卷官

考試官

陝西鳳翔府郿縣儒學教諭李時孳

茂夫陝西洋縣人
丁卯貢士

四川成都府華陽縣儒學教諭彭師古

永卿湖廣公安縣人
丁卯貢士

同考試官

浙江嘉興府崇德縣儒學教諭王時輔

左卿江西臨川縣人
乙卯貢士

江西九江府彭澤縣儒學教諭謝慎

以思湖廣石首縣人
戊午貢士

浙江寧波府象山縣儒學教諭郭立之

道守福建晉江縣人
甲子貢士

浙江台州府黃巖縣儒學訓導莊量

維宏福建同安縣人
庚午貢士

四川成都府儒學訓導楊秉鉞

德威貴州貴陽府籍直隸深縣人
庚午貢士

印卷官

雲南都指揮使司斷事司斷事劉通

亨甫四川越雋衛人
監生

雲南等處承審政司經歷唐宗智

體貞四川茂州人
監生

收掌試卷官

雲南府知府洪邦光

世龍福建同安縣人
戊辰進士

永昌軍民府知府單詩

以正河南固始縣人
戊午貢士

楚雄府知府張廷臣

伯鄰廣東番禺縣人
壬戌進士

武定軍民府知府辛存仁

體元貴州烏撒衛籍
山東沂州人
戊午貢士

受卷官

臨安府知府甘一驥

德夫江西南昌縣人
辛未進士

大理府知府莫天賦

子翼廣東海康縣人
壬戌進士

尋甸軍民府知府蔡民望

君任福建晉江縣人
壬子貢士

姚安軍民府知府李載贊

宏甫福建晉江縣人
壬子貢士

雲南府推官趙楷

憲晉四川犍為縣人
丁丑進士

臨安府推官陳輔

廷佐江西廣昌縣人
戊午貢士

彌封官

楚雄府同知吳應叩

子鍾四川內江縣人
乙卯貢士

曲靖軍民府推官何鈺

堅之四川珙縣人
監生

雲南府安寧州知州姚繼先

子破四川成都縣人
丁卯貢士

澂江府新興州知州張于京

振周廣東南海縣人
甲子貢士

雲南府昆明縣知縣張志臯

汝諧貴州安南衛籍廣
西全州人庚午貢士

臨安府通海縣知縣蔣養成

邦傑廣西桂平縣人
丁卯貢士

永昌軍民府保山縣知縣楊文舉

市卿四川南充縣人
丁丑進士

騰錄官

雲南府同知唐維翰

宗卿貴州普安衛籍陝
西寧遠縣人丁卯貢士

大理府推官周于用

濟時貴州永寧衛籍
江西寧州人庚午貢士

廣西府彌勒州知州李啓

子教湖南湘潭縣人
乙卯貢士

大理府鄧川州知州陳特範

雲南府晉寧州呈貢縣知縣黃宇

澂江府江川縣知縣徐秀

臨安府蒙自縣知縣歐陽輝

對讀官

楚雄府推官王惠

新化州知州蔣時林

雲南府昆陽州三迤縣知縣陳紀

雲南府羅次縣知縣牟衍祉

德閩貴州普安衛人

隸武進縣人丁卯貢士

伯慶湖南平塘衛人

廣陽縣人丙子貢士

廣西桂林護德衛人

直隸鳳陽縣人癸卯貢士

仲河湖南沅州人

雲南西平中衛人

直隸正定縣人

推成廣西全州人

甲子貢士

惟脩四川內江縣人

丁卯貢士

幼行四川巴縣人

乙卯貢士

楚雄府楚雄縣知縣顧閔

楚軍民府和州元謀縣知縣胡允平

巡綽官

中軍官都指揮統行事指揮僉事趙瓊

曲靖衛指揮同知朱萬年

雲南右衛指揮僉事趙文舉

臨安衛指揮僉事夏表

臨安衛指揮僉事侯述文

臨安衛指揮僉事李延之

君佩應天府薊州人

永祚直隸江陰縣人

子儒陝西寧州人

汝敬直隸六安州人

師武直隸江都縣人

壽卿河南羅山人

永昌衛指揮僉事木元瑞

搜檢官

景東衛指揮使袁欽寵

楚雄衛指揮使吳繼勳

越州衛署指揮同知胡來賓

雲南左衛指揮僉事吳山

雲南右衛指揮僉事葛騰祖

大理衛指揮僉事陳翰

供給官

雲南都指揮使司經歷司經歷呂和

雲南等處承宣布政使司照磨所照磨曾繼先

雲南等處承宣布政使司照磨所檢校王思

雲南等處提刑按察司經歷司經歷丘臬

雲南府通判余化鵬

雲南府昆陽州知州夏可漁

大理府趙州知州沈奎燦

雲南府宜良縣知縣沈昌胤

雲南府昆陽州同知王政

用徵陝西狄道縣人

承恩直隸合肥縣人

吳繼勳直隸涇陽人

胡來賓直隸涇陽人

吳山直隸涇陽人

葛騰祖直隸涇陽人

陳翰直隸涇陽人

中節湖廣隨州人
吏員

若可四川豐都縣人
甲子貢士

學甫四川石泉縣人
監生

子九直隸嘉定縣人
監生

應南四川內江縣人
監生

仲磐四川涪州人
辛酉貢士

伯文貴州前衛人
隸吳縣人丁卯貢士

裕德四川保寧府人
直隸華亭縣人

以德四川成都府人
吏員

廣南府富州同知楊宗漢

道東江西臨川縣人
吏員

雲南府經歷司經歷劉宗韓

紹琦四川簡州人
監生

廣南府經歷司經歷周 垧

伯和貴州鎮遠縣人
監生

雲南府經歷司知事馬應龍

子化直隸上海縣人
吏員

雲南右衛指揮使司經歷江 永

壽夫四川鹽亭縣人
吏員

雲南中衛指揮使司經歷劉嘉岳

子重四川璧山縣人
吏員

雲南府昆明縣縣丞周用畢

時亮四川中江縣人
監生

雲南左衛指揮使司經歷司知事胡世明

惟遠四川長壽縣人
吏員

雲南右衛指揮使司經歷司知事唐堯臣

汝慶湖廣武陵縣人
吏員

臨安府納樓茶甸長官司吏目張可大

汝化直隸婺源縣人
吏員

雲南府昆明縣典史汪天佑

申之四川永川縣人
吏員

雲南府滇陽驛驛丞楊通泰

時亨貴州平頭司人
承差

第壹場

四書

子貢問爲仁子曰工欲善其事必先利其器居是邦也事其大夫之賢者友其士之仁者

唯天下至聖爲能聰明睿知足以有臨也
以德服人者中心悅而誠服也

易

天地養萬物聖人養賢以及萬民

其羽可用爲儀吉

子曰苟錯諸地而可矣藉之用茅何咎之
有慎之至也夫茅之爲物薄而用可重
也慎斯術也以往其无所失矣
異者入也入而後說之故受之以兌

書

勅天之命惟時惟幾

惟暨乃僚罔不同心以匡乃辟

王省惟歲卿士惟月師尹惟日

弘敷五典式和民則爾身克正罔敢弗正

民心罔中惟爾之中

詩

三之日于耜四之日舉趾

君子萬年保其家邦

思齊大任文王之母思媚周姜京室之婦

大妣嗣徽音則百斯男

念茲戎功繼序其皇之

春秋

春滕侯薛侯來朝

隱公十有一年

齊人救邢

閔公元年

秋九月齊侯宋公江

人黃人盟于貫

僖公二年

公會晉侯齊侯宋公衛侯鄭伯曹伯莒子

杞伯同盟于蒲

成公九年

齊人歸我濟西田

宣公十年

齊人來歸鄆

謹龜陰田

定公十年

齊人歸謹及闡

哀

公八年

禮記

冢宰制國用必於歲之杪五穀皆入然後

制國用用地小大視年之豐耗以三十

年之通制國用量入以為出

嘏長也大也

移風易俗天下皆寧

外無敵內順治此之謂盛德

第貳場

論

人君所以端拱無為

詔誥表

內科一道

擬漢舉茂材異等詔

元封五年

擬唐以裴度同平章事誥

元和十年

擬宋以程頤為崇政殿說書謝表

元祐元年

年

判語

九條

官吏給由

禁止迎送

服舍違式

申報軍務

辯明冤枉

第參場

策

五道

問自古聖賢之君當鼎盛而撫盈成者莫如周之成王其元良丕式對揚文武而比隆堯舜後有作者不可及矣所以致此者何由說者謂周公輔相之功居多審是則亦以成王能信任之爾古人君

之好學莫如武王訪範受書而自席鑑
帶履以至於戶牖弓矛之屬莫不有銘
用心良密成王敬承繼體亦有得於是
與我

皇上紹統繼天大類成王而
好學過之

懋德廣業於茲七祀萬年不假卜矣
得於天者異耶輔相得人耶抑

啓佑之有自耶夫成王時重譯來朝其言謂海

不揚波意中國有聖人爾成王之所以
聖固未必能知之也今西南正當時重
譯之地我

皇上聖神功化不啻比隆周室而尊親者益遠
其視曩之重譯有同否與諸生涵濡
聖澤卽在荒徼草莽詎同凡民必有見矣其揚
厲之使薄海內外知

皇上之所以聖顧不偉與主司者良深有望也
問儒者掉首談理道語治會于從橫家客

一喙哉始者蘇秦游談六國語各險阨積蓄甲士何嘗爽毫忽彼六國談人墨士寧少而俛首讓功有以也今不暇遠論姑以在載籍者與爾諸士論之山海經始於唐虞間或云伯益作與禹貢有互相發明者與禹貢載九州冀兗青徐揚荆豫梁雍山海經言南西北東海內外大荒何也禹貢載土壤貢賦道路山海經言草木禽獸珍恠又何也嗣是有

作水經者起於何時何人所言水亦與禹貢導水符與乃禹貢首冀州導山兼水二經首南山崑崙何所見也或以山名經水名經豈遂言山無水言水無山與中間可指摘言者何在天下山起自西南崑崙在焉水趨之雲南其首爲江河衡華恒岱宗爾諸生生長其間可能考禹貢指劈二經當否以及爾土及今天下疆域所宜否其毋曰存而不論也

問道術爲天下裂久矣振起而合併之是在上之人焉司馬遷敘六家之指各有貶辭獨道家極其褒彼其言曰神太用則竭形太勞則敝又曰神者生之本也形者生之具也此其言不有合於吾儒性命之指與乃謂儒者勞而無功豈以儒爲無益于身心性情間也竊嘗惟申不害韓非者慘礪少恩遷皆歸本黃老以爲知道者韓非不能自脫于形神之

旨安在李陵之救遷且邁之乃其序太史公云習道論于黃子得道家無爲之統者固如是也今天下談道術大較有三曰道學曰詩文曰功名三者于六家孰近與孟軻氏專攻楊墨韓愈歐陽脩攻佛老見今之世無攻之者楊墨佛老亦未爲世大害獨道學家尚爲世訾詬豈彼二氏無可訾而此獨甚與將遂不能合而一之與

聖天子統一聖真賢公卿輔弼其下一洗昔時
游談之陋不攻僞學而僞學自息則崇
實去名之明效也茲欲爾諸生剝剝諸
家裁績要指其明著于篇

問自義圖肇畫鳥跡傳文六書之法漸備
文字之用日興於天下矣然上古聖人
心學之精形之爲心畫之妙有幸存未
湮者可指而言之與秦漢而下以及魏
晉易繁趨簡古法變已盡矣或者顧謂

鍾王新奇不失古意遂爲後世字學之
宗其說然與有唐攻書者最力而惟用
筆在心心正筆正之諫與風骨嚴勁堅
貞不撓之忠表休而不磨是又德勝於
技而非法書之徒長矣有宋善書者不
乏而惟作字甚敬只此是學之訓與論
人之字必論生平之言著美而永光是
又賢邁於藝而非墨妙之偏重矣可悉
舉而評騭之與他若集衆體之大成登

書家之上乘殆近古豪傑不可幾也或
乃訾其人品之卑不入比數豈別有所
見與將無尚論之苛與抑律以古聖人
心學之精心畫之妙不可以同年而語
與六藝咸士人用工之緒餘若字則日
用之不可離者多士其詳著於篇以觀
博雅醇正之學

問滇南與中土竝也歷世滋多不可記已
自五帝三王教化不施不及以政漢唐

始置郡邑奉朝請然亦揃剽移徙叛服
靡常我

高皇帝掃胡定夏命將南征隨流而攘蕩平炎
徼遂使魑結卉服易爲冠裳二百年來
德教衍溢我

皇上光昭茂緒念軫遐陬禁有司貢金比士增
其常額斯民浸仁沐義詩書禮樂之化
蒸蒸日上說者謂南詔嘗得唐樂一部嘗
祀嶽瀆立官號得經藉六十九家則滇

之可用夏變也自古記之然與方

今文教誕敷熙洽日乂安攘之策所當講求
乃欲關交趾徼諸甸界烏蠻隱以陘阨
其險何恃欲定卒伍于里陳軍政于郊
其賦何繇欲廣道以通貴蜀從何徑入
華人僂人何修以輯睦之流官土官用
何弛張而俱存不擾今天下連四海以
爲帶安于覆盂矧此殊方疏俗何足爲
一日之間然先備預防亦徹土未雨戒
襦未濡意也爾諸生悉達化方乂應商
略其亦揄揚治理矢揭謨猶乎其盡言
之母隱

中式舉人四十五名

第一名王吉人 太和縣學生 易

第二名施朝恩 昆明縣學增廣生 書

第三名李仲文 太和縣學附學生 詩

第四名周禮 雲南府學增廣生 春秋

第五名魏烜文 臨安府學生 禮記

第六名李舍錦 雲南府學附學生 易

第七名安祚 楚雄府學生 詩

第八名施 電 安寧州學生 書

第九名張朝儀 雲南府學生 書

第十名王希堯 雲南府學生 易

第十一名錢 崑 大理府學生 詩

第十二名阮 鈺 鶴慶府學生 易

第十三名樊維价 永昌府學生 春秋

第十四名程 章 保山縣學增廣生 書

第十五名葉中彥 臨安府學生 禮記

第十六名袁 煥 永昌府學增廣生 詩

第十七名譚繼統 臨安府學附學生 易

第十八名朱運昌 雲南府學增廣生 書

第十九名李嘉會 祿豐縣學生 易

第二十名張大鷗 尋甸府學生 詩

第二十一名包見捷 臨安府學增廣生 詩

第二十二名徐繼芳 雲南府學生 易

第二十三名張希良 晉寧州學增廣生 易

第二十四名馬宗孟 蒙化府學增廣生 書

第二十五名張萬春 臨安府學生 詩

第二十六名楊令名 元江府學生 易

第二十七名石元龍 保山縣學生 書

第二十八名李紹基 永昌府學附學生 詩

第二十九名徐大賢 臨安府學附學生 詩

第三十名李應霖 太和縣學生 易

第三十一名楊燁 大理府學生 詩

第三十二名張進 澂江府學生 易

第三十三名蘇兆民 大理府學增廣生 書

第三十四名王寵 臨安府學增廣生 詩

第三十五名鄭登高 臨安府學附學生 易

第三十六名施溥 雲南府學生 書

第三十七名談三極 蒙自縣學增廣生 易

第三十八名吳珏 臨安府學生 禮記

第三十九名孫思順 石屏州學生 詩

第四十名董三畏 嶧峨縣學生 易

第四十一名薛繼茂 永昌府學生 詩

第四十二名孫啓謨 永昌府學增廣生 書

第四十三名馬明衡 臨安府學生 春秋

第四十四名劉東曦 永昌府學生 詩
第四十五名何 禎 臨安府學生 詩

第壹場

四書

子貢問爲仁子曰工欲善其事必先利其
器居是邦也事其大夫之賢者友其士
之仁者

王吉人

同考試官教諭謝 批

語宜錄以式無尊者

考試官教諭彭 批

意欲揚而難察

考試官教諭李

批

平正通達

聖人示賢者之求仁當以仁賢爲之資也夫爲仁貴得所資也大夫與士之仁賢是卽器之足以善工事者可不知所以先之乎今夫仁道之體本以一心而全具爲仁之功不必一人而自成是故取諸人以爲仁善矣子貢之欲爲仁也而問其方焉夫子以其具通達之才而有不若已之悅將未足以成其仁也則教之曰君子之爲仁無以異於百工之制事也欲善其事以利

生民之用必利其器以裕先事之圖爲工則亦有然者矣而况於爲仁乎子之居是邦也於大夫而得賢者焉則思其備此仁而發之爲事業是不可以不事也必隆之以禮而外盡其敬感之以誠而內盡其心要非有所爲而失之謫也蓋大夫之賢本顯然示人以可仰而吾尊事之惟謹則嚴憚生而私欲泯天德之良將因之以常存矣於士而得仁者焉則知其志此仁而蘊之爲德行是不可以不友也必信義相篤而莫

之敢欺意氣相孚而莫之或間要非有所昵而失之比也蓋士者之仁本藹然示人以可親而吾締交之克善則切磋密而非僻融本心之懿將由是以渾全矣至是仁賢相資而仁以復不猶成器一利而事皆善者乎吁賜也悟此庶幾可以近仁矣雖然夫子嘗謂爲仁由己也而又資人之訓何哉蓋友不如己學者所戒而仁賢則可以自益者也資其賢以自賢資其仁以自仁固有欲仁仁至舉之不患其不勝矣否則以子貢志在方人而無事友之實其能體此仁耶

唯天下至聖爲能聰明睿知足以有臨也

施朝恩

同考試官教諭郭

批

題本闕大此作闕肆中殊

多雅實一結歸重聖學士知本矣

考試官教諭彭

批

形容聖人君臨氣象得出

考試官教諭李

批

清談婉暢

論生知之至聖斯裕於君天下也蓋大君臨御

天下其任至艱也非聖人具生知之質亦何足以臨之乎中庸之意謂夫天下至大兆民至衆必有首出之君以長之然後四海內外共向而取則也不觀諸以一人之人當兆人之人而爲天下之至聖者乎英資妙於性成知識超斯世而獨備美質由於天授聖神邁千古而獨隆聽無不聞也視無不見也凡具耳目者孰不有此聰明之德而至聖則唯天聰明之盡者矣虛無不通也靈無不覺也凡有心思者孰不蘊此睿

知之用而至聖則唯極睿知之精者矣是其氣稟極於清粹天下之所不能蔽也自以之宰制萬類而有餘精英徹於鑒觀凡民之所不敢欺也斯以之統理羣動而克裕聰則作之謀也明則作之哲也謀哲兼資將明照四海而微小之不遺矣其亶聰明而足以作元后者乎睿則入於聖也知則妙於神也神聖合一將智周萬物而治忽之必察矣其秉睿哲而足以備元良者乎是聖人備生質於一身本素具乎君臨之體

而天下仰聖人之在上自咸被其臨蒞之澤矣
於此不可以觀天道乎雖然生質有臨此自人
之視聖人言之耳非所以語聖人之心也聖人
之心以務學爲急而不自恃其質以體道爲功
而不自有其尊夫是以學懋而質愈充道純而
聖益至天地以位萬物以育而配天之德尊親
之頌有不期然而然者矣

以德服人者中心悅而誠服也

李仲文

言亦言
言二

批

心悅誠服只是中心悅之

自無不服子能分曉詞以暢達

考試官教諭彭

批

認理真而措辭確

考試官教諭李

批

條剴悅人

大賢卽天下之應王德而原其心無所強也蓋
王者任德不任力本感人以誠心也天下有不
心悅而誠服之哉孟子謂夫古之大君知人心
有不可欺之神而統御有不容僞之道惟順人
心之天以治之至於人心之咸服在王者亦聽

說以正之耳若王者代天子民必驗於民心之
成德斯可以知代天之責盡苟或望民之悅而
行已之德方施其德而即欲其應是有心以致
民而非無私之至仁矣是又王霸誠偽之微幾
不可以不辯者

易

天地養萬物聖人養賢以及萬民

王吉人

同考試官教諭謝

批

莊重簡潔寫天地聖人養

此其意也

考試官教諭彭

批

純正清逸錄以式上

考試官教諭李

批

詞不煩而意足高篇允宜

彖傳極言頤道而徵諸民物之兼養焉夫民物
之多皆必得養而後遂也然養道之備其惟天
地之與聖人乎夫子傳頤象而廣之若謂卦之
有頤也語其理不外於養正之善究其蘊則通
於三極之全吾嘗於是觀之矣今夫語物之衆
曰萬其類散殊而不齊孰能以養之耶惟天地

也職生覆以成象舉含生之品竝育於徧覆之仁專形載以成能盡肖形之微悉被以滋息之澤以正性命以保太和而萬物各得其所若物之自得於養也不知四時之吏五行之佐實天地之所以宜其氣矣否則天地非妙合而凝也庶物何由以露生哉語民之衆亦曰萬其類羣生而無紀又孰能以養之耶惟聖人也隆大賢以鼎食而資之共理愛養徧及於斯民優賢士以重祿而任之輔治仁恩下逮於黎庶生以之

厚德以之育而兆民咸有所賴若民之自適於養也不知三公論道六卿分職固聖人之所以順其治矣否則聖人非急於親賢也民人何自而容保哉是知天地聖人以養道而通極於民物萬物與民以養道而取足於兩間於是可以見頤義之大矣雖然天地聖人固各有所養要之天地無心以成造化之妙聖人有心以成天地之能是民物暢遂動植生成聖人之對時育物又所以贊助化育而大成其養者也故曰

聖人終天地之功徵諸此而益信

巽者入也入而後說之故受之以兌

李含錦

同考試官教諭謝

批

其思深其文雅非淺易

者不能作取之

考試官教諭彭

批

明堂暢達易義之優者

考試官教諭李

批

詞理俱精迥異諸爾

觀聖學之所由以悅心易卦相承之義著矣夫
理必深入人心然後自得之趣不容已也此兌

之所以次於巽乎序卦之意若曰學之所以優
入聖域者以其本於自得之妙而不事乎探索
之勞也吾於巽兌相承之間殆有以識此義乎
彼易卦之巽取義於入者也謂之曰入則是造
詣久而意見真心體之虛沉潛於天理當然之
極涵養純而形迹化心思之運精研於物則自
然之歸矣惟其所入之若是也夫然後理得諸
心斯不苦其力求之難也而悅豫之懷自暢心
契乎理斯不患於扞格之遠也而欣悅之感自

融學方未至而乘之以困心固未必其有悅也
至是則入之於無間卽居之以至安內境之妙
合若有至美寓焉而油然其順適矣功方未熟
而執之以衡慮固未見其能悅也至是則入之
於有漸卽契之於無心天機之活潑若有至味
存焉而怡然其浹洽矣是蓋入先於悅悅之不
可以徑造也故事心之功先其所當先爾而巽
之先於兌者不於是而明乎悅後於入入之不
可以或緩也故悅心之趣後其所必後爾而兌
之次於巽者不於是而徵乎然則夫子以是闡
序卦示人以聖學之妙者至矣抑論學莫貴於
自得悅也者固自得之地而爲學之成也然悅
豈易言哉必如孔子之發憤而後悅必如顏子
之卓爾而後悅必如曾子之唯一貫孟子之論
深造而後悅不然入悅聖道出悅紛華卽賢如
子夏君子將不謂之悅矣然則學者有志於悅
亦當知所以從事乎

書

勅天之命惟時惟幾

施朝恩

同考試官訓導楊

批

勅天之功全在惟時惟幾

作者類於首句總究獨此篇順題說去而且詞氣馴雅錄之

考試官教諭彭

批

洗去支蔓可式多士矣

考試官教諭李

批

帝舜保泰之音發揮豐

聖君迷作歌之意惟密於敬天而已甚矣天命所當畏也隨時幾以密其功謂不可保治於無窮乎且以天之心為心者舜也欲矢之歌以責

臣而先述真意曰世不可以常泰心必期於有終今也治定功成天固錫眷於我矣而理亂每相尋則所以迓天休者當切乎寅畏之念禮明樂備天固用休於我矣而安危每相倚則所以凝天眷者益嚴夫儆惕之思自其流行謂之時時有久暫而天命與之俱也是必欽崇於天而又安長治之圖即頃刻之間亦弗敢懈焉自其潛伏謂之幾幾雖莫顯而天監恒在茲也是必祇若於天而憂治危明之慮即毫髮之際亦弗

敢忘焉陰陽之運有常而吾之操存也爲無間
夙夜守之惟恐一息有違於天而怠荒由之以
起此則副命者所日謹也而有無畏之責者容
可以或忽乎端倪之露甚微而吾之省察也爲
獨早慮善以動惟恐一事不協於天而憂患因
之以生此固宰命者所預防也而任若衆之司
者容可以或弛乎如是則上下無怠心帝天有
成命庶幾哉今日之盛可以永存而勿替矣嘗
觀臯陶陳謨於舜有謂天敘天命天討天
聰明天明畏諄諄以天爲言而終之以敬哉有
土今舜作歌責難於臯陶而亦以勅天先之君
臣上下交相警戒同一敬天其何以故吁此聖
人無窮之心也心愈下則治愈隆千載而上獨
稱無爲有由然哉

惟暨乃僚罔不同心以匡乃辟

施 電

同考試官訓導楊

批

同心與啓心沃心本相照

應此作足以發之宜錄

考試官教諭彭

批

以廉枯上文語而自譽

考試官教諭李

批

詞理簡明

賢王命大臣欲其率屬以盡忠焉夫同心匡辟
臣之義也相臣爲百官之表而可不思所以率
之乎高宗命傳說意若謂任人圖治君道也而
以人事君相道也汝在左右固賴以輔吾之德
矣然將其美不若匡其失者於君德爲有裨持
已見不若集衆思者其忠益爲愈廣自六卿而
下職雖不同而皆於汝乎觀望也是惟綱紀於

密勿而精誠所動有以作其敢諫之思自一命
而上任雖不一而皆於汝乎儀刑也是惟振揚
於朝堂而意氣所孚有以鼓其弼違之義以一
身而贊萬幾亦以一心而倡百辟忠蓋相爲感
通而繩愆糾繆凡列於位者咸有所興起焉不
獨說之啓乃心而已欲有以懋脩君德則亦有
以聯屬羣心靖恭相爲砥礪而獻可替否凡業
其官者咸有所激發焉不獨說之沃朕心而已
是其在元佐也開誠布公先臣鄰而立正

準其在庶僚也鞠躬盡瘁後台鼎而効責難之
恭夫能使同官者而同心則於汝之論思將必
有交濟之美矣說也可徒以納言盡諸已哉然
納言在臣而致其納言在君苟或君懷不虛則
臣心顧忌雖欲盡言得乎是故傳說尤以從諫
望之高宗也乃若高宗命說曰啓心曰同心曰
訓志而傳說亦曰遜志夫惟君臣以心志相許
則君爲令主臣匹阿衡也諒哉

詩

思齊大任文王之母思媚周姜京室之婦
大妣嗣徽音則百斯男

李仲文

同考試官訓導楊

批

文王聖德成于聖母而賢

妃之助亦多是作揄揚殆盡且典雅可錄

考試官教諭彭

批

嚴整精練

考試官教諭李

批

明淨可觀

詩人推本聖德成之遠而助之深也甚矣文王
之所以爲文也而原其所自其得於成且助者

寧少乎哉思齊以咏文德也若曰聖人之德有
得於已者亦有資之人者而要不可謂無所自
也吾試觀文德矣今夫懿恭而徽柔以一心肇
敬止之統人皆曰文王之自爲德也而不知上
有聖母焉蓋大任文王之母也而以周姜臨之
則有婦道焉婦道盡而後母道其克稱已惟此
大任則端莊而靜一者可以觀母儀是思齊之
爲能敬也柔惠而溫文者可以觀婦順是思媚
之爲能愛也夫一於敬者若不足於和而且敬
且愛文王之母其聖母已以聖誕聖而文德之
和敬其成之不有自乎哉光前而啓後以一身
集肇造之傳人皆曰文王之自爲德也而不知
下有賢妃焉蓋大妣文王之妃也而以大任倡
之難乎其繼焉繼統盛而後前休其無忝已惟
此大妣則以光於前而徽音之遺烈克紹盛美
之所以傳也以衍於後而百男之發祥孔奕本
支之所以茂也夫盛於前者或難必於後而益
衍益傳文王之妃其賢妃已以賢配聖而文德

之昭格其助之不有自乎哉夫文王既聖矣而
且成之如此其遠焉助之如此其深焉誠甚盛
德蔑以加矣抑於此不惟見文德之盛而以周
姜傳大任任再傳之姒周道家法之淑如此孔
子敘周室人才而與九人竝傳寧偶然乎哉然
文王於此四友之功尤不可誣也蓋至於刑于
御家邦肅雝保臨文德之聖寧專恃之人乎故
曰不顯文王之德之純
念茲戎功繼序其皇之

安祚

同考試官教諭王 批

發周王報功之意明也而

婉真得盛世君臣氣象

考試官教諭彭 批

詞氣冠冕老成

考試官教諭李 批

簡潔而有英華

周王報助祭之諸侯亦惟乂大而已矣蓋繼序
則乂而皇之可以觀大也周王以此報其臣真
盛世之氣象矣乎歌烈文者曰國家所以有世
美者謂其有世臣為能立世功爾在國著廉靜

之操固宜崇矣肆今清廟啓而和敬萃焉祉福之錫是之謂元福明堂開而羣工蒞焉錫福之功是之謂元功我其念之非爾茲行則無以有茲福而所以簡在王心者在廟宜隆於在國爾非茲福亦無以建茲功而所以賞延於世者來祭宜倍於來朝自爾身而子建侯之利序自有在也我其皇之無所靳焉以懋衍其駢繁之祉亦如爾之錫我者而已矣自爾子而孫胙土之封序本無旣也我其皇之爲益大焉以愈隆其

滋至之休亦視爾之惠我者而已矣念國家操爵賞之柄固有予於前或奪於後者而我之於爾有求報斯其爲與國同休矣乎念人臣膺寵錫之榮固有隆於始或替於終者而爾之於我有求承斯其爲長守其貴矣乎吁周王之報其臣者厚矣然錄其功崇其報復示以繼序之皇若疑於後世徇臣之爲者不知序本於繼皇因乎功匪功胡獲不能繼則泯亦甚嚴矣哉夫無競不顯人道與德之交勅焉而所以善之

何至也有相規無相諛期其成母期其負吁茲其為盛世之君臣歟

春秋

齊人救邢

閔公元年

秋九月齊侯宋公江

人黃人盟于貫

僖公二年

周禮

同考試官教諭郭

批

救邢經實正桓霸大義所

關此作詞不費而意足未復欲人君審於聽言殆有蘊藉者錄之

考試官教諭彭

批

得謹嚴體

考試官教諭李

批

詞簡意明

春秋紀霸主之兵與信而皆有以予之也此見兵以救患盟以結遠皆義之不可已者是故春秋取之且自邢被狄難齊也憂之而有救邢之師夫兵者春秋所重乃書救以善之何蓋事有關於安中國者君子亦酌其義之所急耳邢屬親暱而狄敢伐之此固門庭之寇利用禦者桓欲霸而不之救內其誰與安邢幸而簡書是畏爰興節制之師邢卒賴之以安靖焉患恤而職

脩矣是兵雖不祥之器然不得已而用之捍患
蓋將以救焚而非不戢自焚矣此春秋善齊救
邢意也而用兵之情見矣不然軍旅之事嘗曰
未學而何善乎是救若江黃近楚齊也結之而
有貫澤之盟夫盟者春秋所惡乃獨言江黃以
許之何蓋事有關於攘外夷者君子亦權其義
之所宜耳楚漸憑陵而江黃與之此固羽翼之
資所當剪者桓制楚而莫之慮外其誰與攘邪
幸而綏懷是圖爰定犄角之勢楚卒因之而屈
服焉慮周而義著矣是盟雖衰世之事然不得
已而用之服遠蓋將以戢亂而非屢盟長亂矣
此春秋許齊盟江黃意也而憂世之心見矣不
然載掌司盟猶爲未善而何許乎是盟吁桓之
安內攘外如此霸業之興有以哉雖然救邢者
桓也而請之者仲也邢城而諸姬咸賴焉彼江
黃遠齊近楚之云仲亦旣言之矣桓始結之以
制乎楚而卒棄之以滅於楚諸侯其曷宗邪噫
仲一霸佐耳言之用否齊之興替猶因之然則

人君之聽言而可以不審也哉

齊人歸我濟西田 宣公十年 齊人來歸鄆

謹龜陰田 定公十年 齊人歸謹及闡 哀

公八年

樊維价

同考試官教諭郭批

題本屬詞比事以表聖化

此作融傳成文化強之績宛在且格止詞嚴宜錄以式

考試官教諭彭批

得厚績之旨

考試官教諭李批

刑去浮言是式多士

春秋詳紀內地之復而獨序其化強之績焉此見鄆謹龜陰之歸由齊心服而歸之也其諸異乎濟西謹闡之歸歟且昔魯鄰于齊封疆之見侵也數矣乃有濟西復歸于宣鄆謹龜陰復歸于定若謹及闡則復歸于哀之世焉要其歸一而已獨于鄆謹龜陰之田而書來歸何君子曰觀于此而知聖化之不可及矣彼好結于高固之親禮隆于朝會之勤魯求之而齊悅之濟西之歸于宣則然耳順效于邾益之歸惠徼于季

姬之嬖魯要之而齊應之謹闡之歸于哀則然耳乃茲三田之歸豈其然哉方夾谷之會齊席東海之雄從犁彌之請固欲亟得志于魯矣時則孔子相焉揖讓于壇坫之上旣足以動其觀感之機應對于好會之間又足以啓其敬畏之志由是君恥入夷之俗而引咎之不遑臣圖謝過之質而歸田之恐後是其一言威重于三軍在我惟動之以禮三田化歸于俄頃在彼亦應之以誠美哉聖化之神也夫豈後此謹闡之歸

由于改過所可同抑豈前此濟西之歸出於其悅所可及哉故于此獨書曰來歸者以見齊人感化中心悅而來歸耳而聖人化強之績彰矣其殆以天自處而無所嫌乎雖然宣哀不假言矣獨惜仲尼用魯三田歸二邑墮亦旣以禮爲之兆矣向使定能信任之專焉魯其東周無難者奈何女樂歸而孔子行一變至道之志托之空言矣吾是以知後宮盛色賢者所以隱處而不信仁賢則國空虛可爲君人之永鑒與

禮記

冢宰制國用必於歲之杪五穀皆入然後
制國用用地小大視年之豐耗以三十
年之通制國用量入以為出

魏烜文

同考試官訓導莊 批

古冢宰定經制以詔王出入

財用恒是有由也是作詞簡意明歸重崇儉殆知修實政者可式

考試官教諭彭 批

雅實取之

考試官教諭李 批

是邃於經義者

大臣因時以理財其法為至詳也夫立國之才
先于財用也以時制之而必曲盡其法焉大臣
經國之慮遠矣見于王制者若曰財用者軍國
之需而天下之大命也自善理者之無其人而
財斯匱焉爾古之冢宰以一身任阜財之責知
制不以時則幾于病國矣故于歲將告終用且
更始也乃因用而制為不易之經農事備收其
數可陳也斯因數而立為有常之制是冢宰之
制國用者惟此時為然矣而豈無其法哉蓋地

有言金
四二
有小大者其一定之則也年有豐耗者其適然之數也因地以視其年而或盈或縮有得于常賦之供則因年以定其制而存一用三循之爲通融之法自一年之積推之而至于三十年之久焉計三十年之入合之而使有十年之餘焉由是計要有成規恒準之爲泛用之數而匪頒有定式每取衷于賦稅之常量其所入之厚則出者與之而俱厚焉非以侈沒禮也入厚則用然雖奢而不以爲靡矣量其所入之薄則出者

與之而律薄焉非以菲廢禮也入薄則用然雖儉而不以爲固矣向使入者常不足而出者常有餘吾懼其用之有時而匱也而豕宰顧無見于此哉斯則制之終歲者足以待來歲而不窮行之一時者垂之于百世而可守大臣之心乎國計者遠矣雖然國家之財用制之者存乎臣而盡其制者非臣也蓋經制之法惟以防其末流而本原之地係于君心故有典有則之訓必克勤克儉以爲之先而一人敦素斯天下莫敢

費出無經者然後制法之善行矣以是知足國裕民之道其惟大君加之意乎

外無敵內順治此之謂盛德

葉中彥

同考試官訓導楊

批

無敵順治正勇敢強有力

者盛德處場中作者率多文實有明詞潔僅見此篇錄之

考試官教諭彭

批

明暢可取

考試官教諭李

批

莊重得體

君子成內外之功所養之大可知矣蓋治功之

建以德爲本也君子合內外而有成功焉非盛德孰能如此乎且夫君子用大勇於天下則盛德大業一以貫之者也惟功不著於內外者謂之盛德未也今自用之戰勝而曰無敵是不出於一怒之奮而威行於外天下孰不畏之所以壯國家之神氣者於斯人乎有賴矣自用之禮義而曰順治是不越於揖讓之間而教成於內天下孰不懷之所以培國家之元氣者於斯人乎有屬矣是豈不謂之盛德乎吾知攘外之勳

非徒勇者所能勝也必其氣足以塞天地而卓
乎爲神武之昭安內之績非任力者所能成也
必其勇足以配道義而巍乎極懿文之著出其
蘊可以貞逆而處順有大設施必其有大涵養
者也君子所以世亂不阻世治不輕而備天德
之剛在是矣向使德有未懋何以能靖外而治
內哉究其施可以體常而達變有大經濟必其
有人胞負者也君子所以德威惟畏德明惟明
而稱義理之強者在是矣向使德有未厚何以

能於文而奮武哉然則先王行聘射之禮而勇
敵之是貴者貴其有德故也不然亦一有力人
焉爾豈尚德之世所足重耶大抵君子之行禮
非以爲觀美也所以飭人文昭道化戡亂致治
爲世道計也是故崇虛文者罔實得專小節者
昧遠圖則亦無怪其不足任天下之事矣方叔
之顯允南仲之敬戒山甫之柔嘉張仲之孝友
夾輔周宣所以順治威嚴而極其盛也殆亦深
契記之義歟

第貳場

論

人君所以端拱無為

施朝恩

同考試官教諭謝

批

人君端拱無為始於憂勤

此作漢後千餘言發揮甚悉且詞調高古強藉閑深讀之令人

起敬

考試官教諭彭

批

議論博洽足占遠表

考試官教諭李

批

大雅之作宜錄以傳

帝王以心運天下而以身享天下然運之嘗在
先而享之嘗在後故人徒見其身享之逸而不
知其心運之勞也夫帝王握袞秉靈席尊履盛
舉凡操縱指使唯其意而莫予違即脫然自處
于九重何所不得而乃兢兢焉先天下而焦思
瘁神之若是哉蓋真見夫已之一身萬民之所
待命有不可以一日釋者而天下之事平陂相
倚應違相通治忽相因又若影響之弗易苟幸
其未至而以怠心處之則臨務而每憂其不足

惟慮其必及而以慎心御之斯當機而每見其
有餘夫不足故膠膠擾擾而以我爲役也有餘
則聲色不大而以物爲役矣以物爲役又何爲
之有哉此固聖帝哲王恭已成功之道而要非
玄默致者請因胡致堂氏之說而申之今夫斷
木爲棊椀革爲鞫制器且然况天下大器也何
以曰無所爲夫一爵在奉不恬于色挈百石之
尊則褫鞫鞫而改視蓋有其司者束其躬肩
其重者易其度人情大抵然也况五位之尊四

海之廣萬幾之夥而可以垂衣拱手處之乎是
故天命靡謚民心至渙何爲而凝承固結之侯
辟維翰臣工允鄰何爲而聯屬控制之禮樂刑
政名物度數何爲而敷張伸縮之曲閭蔀屋強
掩弱衆暴寡詐欺愚勇侵怯饑者思食寒者思
衣顛連孤獨疲癯殘疾戴盆望天而思濟與夫
雕題梟獍辮髮毀顏搏木之區九域青羌之野
孫樸續繡之國夸父禺強之所夏海之涯凡舍
生比族而跂聖人之匡置衽席者將不可數計

而周知君人者雖兼日而思兼力而任亦有所不遑而安得寂然爲也噫必如是說則法家監門臣虜之訛尚不敵此而古所謂篤恭而平臥赤子而安朝委裘而不亂者皆非矣抑孰知聖人固有爲之所者而不在于舉動設施之間胼手胝足之末也聖人豈不欲有所爲哉其理固不可爾盍觀之天乎夫天人見其確然示人於穆下已而已彼其暵以日月鼓以雷霆潤以風雨斂以霜雪而後萬物育焉又若不免于爲者

然遂執此而謂天之有爲豈可哉要之冲漠之中自有斡旋之而不得其自爾人君代天而爲之子位曰天爵職曰天工賞曰天命罰曰天討其精神意氣一喘息呼吸而與造化通苟不則天以善治其何以使身逸而功倍也哉况吾身一而天下且萬吾心誠而民物多僞吾守常而事變多旁午而不可定夫以一待萬其數不勝也以誠御僞其數不勝也以有常臨無常其數不勝也吾操三不勝以居其上而彼蓄無不勝

者環視而聽令朝求而夕索焉吾身雖明如離
婁聰如瞽曠巧如工倕筭如隸首疾發如窮后
博詰如曾史矯追羽林筋折門鍵左畫方而右
畫員履維斗而襲氣毋萃七十九代神聖于一
身如所謂赫胥尊盧豨韋伯皇中央驪畜之生
天生地乘雲變化者而皆出吾胷中以與天下
角亦有不能矣夫勢既有所不能而責又有所
難逭吾欲盡吾不可逭之責而思以善通其不
能之勢如是而使其心有一息之或懈天下事

將決裂四潰而不可收拾矣俟其至是而始爲
之謀雖竭蹙蚤夜趨之吾力不敝而海內不日
見其紛紛多事乎故聖人曰事有必至理有固
然燎原之火起於燭爾千尋之隄齧于蟻壤其
機神蕭牆之內旋生胡越牀第之側必有戈盾
其隱伏藥石之迅足以寧體宴安之毒比于美
疾其用遠無荒無怠四夷來王其亡其亡苞桑
爲繫其驗速于是戒傲恐懼于太寧雍熙之日
防閑閉固于淵默嚴邃之中憂勤惕勵于紀法

號令之際度德而論官量能而授任知者揆事
定計幹者亮采冊勳廉者課國牧民勇者扞圉
宣威賢者調元贊化斌斌濟濟疏附夾輔皆分
列而得所賴矣而又朝而聽政晝而訪問夕而
脩令無逸時也左右司紀臺省進規燕閒致頌
遊田效箴蒐狩備禮無逸地也盤几示銘戶牖
昭範杖劔垂言圖史著則無逸物也雞鳴有戒
卷阿有歌位有虞賓祭有三恪庭有夏士廟有
殷士甸有讎民門有夷隸疑丞後先筮卜出入

御矇幾聲士庶傳謗推而至于飲食衣服頓笑
起居固有不肅而又昧爽丕顯坐以待旦凜凜
然皇皇然如引朽索而馭六馬如蹈春冰而臨
深淵焉聖人豈顧爲是私憂過計哉蓋治不越
于治之日必有所由始亂不成于亂之時必有
所由基天下之事自處以無事者未有能保其
無事者也惟其能如是存心而預待之是以緘
滕扃鑄固其司梁棟榱構備其具綱紀節目密
其維樞機脉絡通其實辛甘燥濕和其調水火

土石當其急由禁闥以及外庭由畿甸以及郡
邑由三公九卿以及羣工庶寮莫不井井秩秩
守畫一而奉至尊若五官百體各效其司以聽
天君天君者恬淡寂寞而無容力焉是故是非
莫眩輕重莫溷弛張莫測威福莫移因而不尸
順而不宰襲而不功靜而聖動而玉不震也而
嚴樸素而天下莫能與之爭美法如朝露純白
不散心無煩念口無煩言輿騎不極于衝達旌
干不滂于大澤黔赤不戕育于鋒鋷豪士不著

名于竹帛記年之牒空虚地平天成社鳴神格
推而至于鳥獸草木莫不咸若矣尚何虞天命
人心之難孚侯辟臣鄰之難一禮樂刑政名物
度數之難辨乎而又何有于匹夫匹婦之不獲
九夷八蠻之不通道也哉當斯際也官府若無
擾大廷若無事人主始凝精收視綴紳正笏於
穆清之上而薄海內外仰德而象成誘然皆生
而不知其所以生同焉皆得而不知其所以得
乃始聚族而頌曰聖人功化之神如此而聖人

豈有他術哉惟敬以作所而寄治于賢聽事于法而我無與焉爾向使聖人者緩心而無謀柔茹而寡斷幸四方之無虞而玩愒于日時習知天下之尊服已也世泄泄然養蔽于冕旒黠續曲房緹帷之間而屑越沉湎于甘脆美粍之娛則泰以基否安以召危存以釀亡天下事日叢脞委瑣而不可解矣尚何從容暇豫之足云昔者孔子謂知爲君之難則一言興邦又謂居敬而行簡可以臨民夫邦之興簡之行端拱無爲之

說也然必始于知難居敬焉則所以端拱無爲之道矣且自古無爲順治者又孰有加于唐虞三代哉迄今觀詩書所載兢兢業業與夫嚴恭寅畏小心翼翼不一而足則知人主所以不降階序而登天下于理者誠有所以致之而豈真可以束手安坐爲耶後世之主其欲安而惡勞與先聖同奈何皆知安之可欲而乃去其所以安皆知勞之可惡而乃喜其所以勞何也時幾惟敕偷惰所甚難而治之所由適也盤樂怠傲

愁嘆所由起而庸靡之所甚便也二者若利而實害與夫若害而實利其得失相萬也不可以不審也取舍不審將不可以治一家况天下乎今家人之治產也堅忍以凍苦率先以勤儉雖終歲嗃嗃而溫居樂食者必是家也鄰有佚處者日嘻嘻宴好以爲常豈不歡忻稱快哉未幾而饑寒奔僕隨之矣故聖人之道前苦而長利時主之習先愉而後窮通乎此者庶可以語垂拱之道歟抑是道也不艱於創治而實艱于繼

守文之朝不蹶于中材而每蹶于英明好大之主不失于偏安未集而多失于太平一統之後此祗厥身欽厥止率乃祖攸行天命自度治民祗懼之訓雖當商周綦隆而古之聖賢益倦倦告誡不置也茲豈非有見于端拱之難而放溺廢治之當懲歟雖然本在于上末在于下要在乎主詳在于臣然則人君之所以無爲蓋有爲之爲者又不專以其心之敬畏而已如必取諸一心而後足則自軒黃以來所未能而彼術

石程書衛士傳餐反得所以端拱之故矣有是
理哉故曰相道得而萬國理又曰勞于求賢逸
于得人此君之道也乃所以端拱無爲者也
表

擬宋以程頤爲崇政殿說書謝表 元祐元

年

王吉人

同考試官教諭王 批 駢麗中雅有典則誦之音

韻鏗鏘固奕然矣而勸學之規溢於言外卽程子當時表謝亦

不過如此子之異日效忠可卜錄之

考試官教諭彭 批 詞氣悠揚誠愛諄懇匪特

四六之工已也棘闈中殆不多得

考試官教諭李 批 學醇識正情見乎詞

元祐元年某月某日伏蒙

聖恩召臣頤爲崇政殿說書謹奉

表稱

謝者伏以

宸宇尊嚴

弘額重正民之義儒紳侍從

講筵資稽古之功

旨趣貫而

神智清

聞見真而理道備華階

特命陋質奚堪臣頤誠惶誠恐誓首頓首上言

竊惟

大君圖治恒主善以爲師載籍傳文貴博觀而

執要若其任人勿貳自爾爲政不難粵黃

帝化洽淳庖合宮審聽而神堯績垂於變
衢室咨詢鑒成憲以無愆忠存傳說訪洪
範以敦典道在武王納一言順守於新書
陋三尺奏功於汗馬五經同異會石渠以
析衷七略總凡待金門而剛定講藝當投
戈之日說經承賜綬之榮館置弘文盛延
學士事書對仗復許史官類非大聖作爲
僅臻小康治效肆惟

藝皇

開業首購遺書以暨

列聖

承基咸親文學

隆尊賢敬士之禮

弘右文法古之規景祐以來昌朝希言

殿廷輪直元豐而上邢昺馮元講讀殊勤彼

碩彥宜被

洪恩顧臣愚乃叨

優寵茲蓋伏遇

○○○○

睿質天成

英資神授

冲齡嗣登

天位民物咸熙

純心統理寰區

勳華載協徐積

賜兼粟帛

澤注方新彥博

詔起平章人

思求舊明經賢俊

舉用已先

大學規條

勸修尤切誠

聖君之間出而臣民之具瞻也屬當

續圖之初爰

急進學之務

謂政事張弛固有定體而典則昭垂實具羣

書矧儒者考古知今宜用之閑邪陳善緣

採重臣共薦

召臣

崇政說書伏念臣頤士類迂流洛中凡品雖

奏冗章悟

主忠悃未伸慚無儒效匡時

巖廊曷稱顧幸職專敷奏尚期獻備曝芹訐

謨敢引詩書朝夕納誨大道必陳堯舜啓

沃乃

心東

邇英西

延義喜近

天顏左史籍右經書敬供日講敢謂

至聖但涉獵以見往事將俾

朝廷儆愆忘而由舊章庶幾贊

聖德之高明成

治功於萬一也伏願

終始典學

左右惟人

究極義意之歸

討論皇王之略衆思集而忠益廣

常接仁賢真性湛而教化光

謹娛宮禁

文軌愈同於四海

太平永保於萬年臣顒無任瞻

天仰

聖激切屏營之至謹奉

表稱

謝以

聞

第叁場

策

第一問

王吉人

同考試官教諭王批

周王紹統履聖我

三行行而通之改行詩曰聖三考十錄竊考古過今不為迂設是能繪天地之大者末

考試官教諭彭批

我

聖人與不偶然也天將啓之以昌明之

考試官教諭李批

揚厲而不為諛詞尤見忠

懇宜錄以式

聖人之興不偶然也天將啓之以昌明之
會則必畀之以履順之全是故以作於前
而典則具備啓佑之有自者天也以弼于
下而忠貞畢集輔相之得人者亦天也以

修於身而夙夜敬止問學之無倦又天與
聖人之交感爲一也知乎此則知周成王
之所以聖我

皇上紹統中興遠媿堯舜而近邁周成者可得
而贊揚之矣夫千金之子欲紹休祖烈光
大舊物則亦必有不世之遭逢仰承遺緒
奔走臧獲而爲千金之子者亦且茹苦攻
荼不暇庶幾有所成立况天下何重大器
也人君一身百責攸繫其興也遽偶然乎

哉義皇垂統神明代作文武開基謨烈大
備肆成王出焉以幼冲之年躬上聖之資
延周家八百年無疆之曆人皆知其聖矣
自今觀之成王繼武王而興者也武王踐
祚問黃帝顓帝之道於師尚父致齋端冕
而得丹書於是惕然恐懼退而爲戒無所
不慎于席銘曰安樂必敬無行可悔一反
一側亦不可不志于鑑曰見爾前慮爾後
于帶曰共則壽于履曰勞則富于戶曰名

難得而易失于牖曰隨天之時以地之財
敬祀皇天敬以先時于弓曰屈申之義發
之行之無忘自過于矛曰造矛造矛少間
弗忘終身之羞余一人所聞以戒後世子
孫成王得其統而敢少懈耶是其啓佑之
自也成王爲君周公爲輔竭忠殫力不有
其躬而成王又能虛心信任之是故抗世
子之法於伯禽作君奭以留召公以輔善
而相義則有輔常立於左是太公也天子

有不諭於先聖人之德不知國君畜民之
道不見理義之正不察應事之宜太公職
之多聞而道慎則有道常立於前是周公
也天子有不厚于德不彊于行不誠于賞
罰不能懲忿窒慾不從太師之教周公職
之匡過而諫邪則有拂常立於右是召公
也其或處位不端言語不序俯仰周旋無
節妄咳唾數顧趨行不德色不比順召公
職之博問強記捷給善對則有承常立於

後是史佚也其或燕辟廢其學左右之習
詭其師不博不習史佚職之而又有少傅
少保之任詔工之任太史之任成王中立
聽政是輔相之力也夾輔維持篤祐保護
成王欲時刻縱不可得已是以念繼序之
皇感周公之精誠懲殷頑之難殄夜以繼
日勞神焦思閔予之什夙夜敬止繩其孝
也訪落之什繼猶泮渙開其忠也小毖之
什莽蜂辛螫昭其悔也敬之之什日就月
將緝熙光明時其獲也佛時仔肩廣其益
也是學問之功也要之天祚有周求乎于
休夫是以烈風淫雨之不作感乎天海不
揚波應乎地中國聖人之稱重譯來朝之
使動乎交南而古今稱敬承繼體者必以
成王爲稱首矣恭惟我

皇上睿齡纘序一成王之時

盈成撫運一成王之休而四海波恬中外晏
堵無成王殷頑之梗亦無奄淮蔡之虞是

其爲盛遠過乎成周直上接乎軒皇虞姁
之統者而推本所自則

天之所以篤生我

皇上者固大異矣是故

神謨

祖烈輝熠琬琰

玉版

鴻編昭揭日月

精誠之錄

觀心之記儼然天鑒之在前

欽天之記

敬一之箴肅然師保之在上大道不遠於家

懿範如指諸掌邇者

兩宮慶玉燭之調

萬乘謹文王之節

飲食起居罔不宣注

左右侍從咸出慎遴所謂啓佑之自以視成

王何如也夙德舊臣肩鉅任重謨明弼諧

矢志靡躬

密勿啓沃者左禮樂右詩書舟楫鹽梅之竝
進喉舌獻納者恩雨露威雷霆甲兵錢穀
之各當以至

御覽彛風之進一周官訓迪之忱而倡率百僚
有自

帝鑑圖說之陳一齧風無逸之雅而納牖

一人尤真所謂輔相之力視成周何如也夫以
皇上之明真如貞觀之照

皇上之勇真如天健之行而

上佑啓下輔弼如此夫是以旣

聖益

聖已精益求精以莊敬之日強朝而

聽政晝

御經筵夜而繹習真無頃刻之離以

清明之在躬

出御臣工

退親講讀

入隆孝養真無毫忽之雜然我

皇上尤不自滿假時塵

箴誦如

御書學帝王大經大法如

御製謹天戒十二事如

御賜廷臣同心輔政責難陳善諸

宸翰尤且督責臣工之不巳蓋

天純佑而

皇上益敬承之臣夾輔而

皇上尤勸勉之此其學問之力以視成周尤何如也夫是以風雨時寒暑節豐年之祥屢見於郊垆視昔無烈風淫雨者一矣山不傾川不溢河流順軌海若效靈視昔海不揚波者一矣虜酋稽顙確守外藩苗夷投首巖穴肅清海外呂宋之國世不入中國者來庭徼外交緬之區世累爲封疆守者竄息我

皇上執中布度

握符馭紀一旦以無心視之如

天運而太宇清焉如地靜而泰階平焉巍巍乎

穆穆乎夫是以遠媿堯舜也夫是以近邁

周成也詩曰天保定爾以莫不興如山如

阜如岡如陵如川之方至以莫不增愚敢

以是為

今日頌書曰安汝止惟幾惟康其弼直惟動

丕應後志以昭受上帝天其申命用休愚

敢以是為

今日獻

第二問

施朝恩

同考試官教諭謝 批

山海經水經學者多不諳

子能滄言創析之且中多獨見是能游乎方之內者可錄

考試官教諭彭 批

問學博綜識見磊磊

考試官教諭李 批

語高極深會文切理

拘攣之見難與達觀宇宙之游必歸玄曠

昔者嘗恠騶衍大環海之談人指為談天

春秋時左史倚相讀九丘之書世咸服其博雅則學固存乎人耳執事以蘇秦之游談六國爲詢取其指當世事歷歷如在掌上生非學爲秦者第宇宙內事孰非吾人所當學耶請先折諸聖子夏問於仲尼曰商聞易云生人及萬物鳥獸昆蟲各有奇偶氣分不同而凡人莫知其情惟達道德者能原本焉山書曰地東西爲緯南北爲經山爲積德川爲積刑丘陵爲牡川谷爲

牝其皆然乎仲尼曰然吾聞諸老聃如子之言也子夏之在聖門是稱篤信謹守者六合之外宜所弗談而稱易稱山書則山海經之在當時固已隸之講習矣仲尼亦自謂信諸老聃孰謂聃也誕乎哉夫天有九州地有九道在天爲星辰在地爲河嶽保章氏以星土辨九州地分野作焉上通于天矣人有五倫地有五方四嶽四瀆等四方諸侯九州十二牧應十二分野下通

於人矣王制曰廣谷大川異制民生其間者異俗是故山林川澤丘陵墳衍原隰不一其宜延袤涂溱廣輪燥濕寒暑不一其情金木水火土穀不一其用雅俗文明閭閻習華夷不一其境神農得白阜圖地形黃帝濟東海取綠圖虞舜時王母獻白環白玦益州圖所從來遠矣禹受舜命代鯀治水始受兆於元夷蒼水使者致齋黃帝嶽崖之

下繼得金簡玉字於登宛委山之上已乃勞身焦思穆穆疊疊爲網爲紀薄衣食卑宮室居外十三年過家門不敢入以久於外已乃陸行乘車水行乘船泥行乘橈山行乘橦左準繩右規矩載四時開九州以祇勤於事已乃行山表木命諸侯百姓與人徒以傅土從三子以行川益夔共謀大章步東西孺亥步南北暢八極之廣以旋天地之數已乃始自霍山徊集五嶽循行

四瀆搏木之地攢木之所搢天之山羽人
裸民之處飲露吸氣之民共肱一臂三面
之鄉積水積石之山莫不胼手胝足躬歷
而罔敢懈惰逮其終九州同四隩宅青龍
止於郊龜書出於洛祝融之神降於崇山
乃則壤成賦受珪錫命而告成功於舜是
故禹貢作焉足所履之山身所涉之水目
所睹異數異物之倫不知其幾而卒以禹
貢名書遵一王之制表惟正之供凡以尊

帝而彰厥志也若曰此禹之所貢於天子
者耳當其時禹平水土主名山川伯益等
類物善惡著山海經與禹貢互相發明內
別五方之山外分八方之海山與水錯陳
舟車之所罕到久類之所希睹凡一十八
篇或云孔子刪後所出或云漢臣劉歆等
多所附益如長沙零陵桂林諸暨後人所
屬而其爲唐虞間書則近之矣嗣至漢末
水經出焉或云桑欽譔酈道元注始河水

終斤江水未附以禹貢山水澤地所在凡四十卷道元曰山海經周而不備地里志簡而不周尚書與職方俱略亦各言其志也所注水經脈絡朱子固已採之禹貢中矣禹貢爲地平天成歸告成功而作是已成之書也是故以冀兗青徐揚荊豫梁雍定州以上中下錯綜定賦其詞確山海經爲隨山刊木創造經行而作是未成之書也故止以南西北東中定方隅而州則未定以海內外大荒定梗概以鳥獸草木金玉人物紀珍怪而賦則未定其詞詳禹貢以尊京師爲主故首冀州兗最下故次兗雍最高故終雍崑崙最遠故以織皮與三國終之而無他賦山海經治之導之從其所自起天下山起崑崙故山海經首南山水經首崑崙東方爲水所受故二經皆以東終焉禹貢以定賦獻天子崑崙在荒僻外故不列九州止言導河自積石而非以

河源自積石也山海水經備載環海內外
故得原其所起要其所止獨其中山海經
海外與大荒五方與海內詞多類而事複
則經度之始原爲未成水經南北江河宜
分爲上下兩筴毋相混淆如昔人兩紀兩
戒之說則更明飭矣今天下九州一統四
海一區阻深者咸耀爲光明僻陋者咸化
爲禮樂無昏墊不安之所無焚溺不拯之
民愚生卽有騶衍之談蘇秦之奇而無其
施顧獨以天不覆地無不載今三家之
市十里之城人生其間肖形象貌蠕動天
翹已自不倫矧曰宇宙之寥廓陰陽之煦
蒸精氣渾淆游靈變化而可曰同而不異
大抵君子道其常達人觀其變語其正則
盡之禹貢語其變則概之山經禹弼成五
服攸同四海其于中國曰旣載旣澤旣蠶
旣豬旣道其乂其藝底平底績必欲其安
而後已聖人之詳於治內也于四夷曰皮

服作服卉服既略既宅丕敘卽敘暨魚底
貢亦必致之來而後已聖人之周於治外
也然綏服者無異要服者不綏荒服者不
要又聖人之所以略於治外而不強其同
也今要約者俛首受羈絡而必責其常靜
毋動常安毋逸一以中國繩束之則無要
服而皆綏矣荒忽者納款稱外藩而必責
其佩我禮數若我化誨一以腹裏鈐憚之
則無荒服而皆要矣是故言天下之至動
而不可亂乃所以成其大言天下之至曠
而不可惡乃所以盡其神至若山海經言
貳負之臣禹桎之疏屬之山桎其足縛其
兩手至漢宣帝時猶驗此可爲貳心之臣
戒有域民之國射域是食爲鬼爲域則不
可得射而食之此可爲邪民戒豐沮玉門
日月所入倚天蘇門日月所生羲和之國
浴日天虞浴月日月君象也而浴之此可
爲夾輔日月者勸此卽無是事而理固足

信也况經備載之乎通乎此而可以語達
觀玄矚矣

第三問

李仲文

同考試官教諭郭 批

教養老申韓之學已自有

據至以實修歸之吾人責在司世道者尤切今日鈴鍵宜錄

考試官教諭彭 批

剖新諸家卓有定見非凡士也

考試官教諭李 批

破衆見以立論是有裨世道者

世之議道術者其患有二曰偏心智未大

觀訾橫曾臆跡其所見要處隙中是失人
之失而不知自失其失者也曰忘心力所
不及衷未肯降苟且畔援自以爲是是得
人之得而不知自得其得者也至若溟滓
一無所見迷鶩概以爲安此曠且眩者之
爲也斯無足齒矣今夫臧之與穀始同一
牧羊也終同一亡羊也問臧奚事挾筴讀
書問穀奚事博塞以遊挾筴者猶爲坐進
此道博塞者充不過一無類焉是臧之倫

得以藉口也而孰知其亡羊一也吳王命
歐冶子造劍金鐵方濡金忽踴躍而起曰
我將爲干將爲陽我將爲鏌鋁爲陰歐冶
子拂然而起以爲不祥齊眉目而爲人忽
曰我賢我不肖則乾坤必以爲此何等入
矣魚之涸也相與處於陸相啣以濕相瀉
以沫少間相蹉跳而起相爭以沆瀣之餘
是故孰與相忘於大海之間也知乎此可
以定評矣夫道何昉乎羲皇以前無言已

自軒轅氏作西至於空同問道于廣成子
曰至道之精窈窈冥冥至道之極昏昏默
默此道之所自來也而世稱黃帝爲道始
者以此然黃帝之所以治者寧事此乎勞
勤心力耳目節用水火財物至於蚩尤一
征尤其修德振兵之大也而後世道家談
兵者亦自此始嗣是老聃者出著道德經
二篇五千文其言性命以無爲爲宗其治
天下以無不爲爲用故其言曰無爲而無

不爲又曰天下萬物生於有有生於無又
曰以正治國以奇用兵以無事取天下蓋
至於知其雄守其雌爲天下谿知其白守
其黑爲天下壑斯其言極矣世之推轂老
子者言清淨無爲一也言殘忍少恩一也
而言道必推本黃老矣孔子生於晚周上
接伏羲以來三皇五帝之統下歷聘周覽
啓七十二國之君中刪述著作發明於三
千子七十二賢之徒是故言性命而易道

具焉言政事而書而春秋具焉言詩而風
雅頌具焉當其時及門之士列國之君游
談聘問之大夫隨其所質莫不各得所欲
而去謂孔子爲集羣聖之大成生民以來
所未有也非耶孔子與老子生同其時間
禮問道見於載籍中多有之祖龍起而吾
道失傳咸陽燼而斯文遂喪延至漢興漸
除挾書之律表章六經一時經生學士專
門列戶各競師傳一字之解黃鐘大呂一

語之釋九鼎元龜蓋得於乂湮復著之後
其時其勢不得不然者而要之吾道之大
全斯文之正印固未嘗一日不行於天下
司馬遷作史記序六家要指覩漢儒之校
讎苦訓詁之齟齬乃曰陰陽儒墨名法道
德此務爲治者也直所從言有省不省耳
以陰陽置之吾儒之前以墨名法雜之吾
儒之間已自舛鑿乃貶吾儒爲博而寡要
勞而無功獨褒道家合於形神性命蓋舛

之舛者也至其作傳以老莊爲首以申韓
爲宗同一褒表故其言曰申子之學本於
黃老而主刑名韓非者喜刑名法術之學
而歸本於黃老其言老莊申韓則確矣而
惜其不知儒也夫老氏之學世多傳其形
神之旨而未測其刻核之慘蓋其視天下
事一無足爲是謂無情之極出其一無所
爲遂至於無不可爲是爲無恩之極無情
之極至於無恩昔人固已傷之矣程子曰

老子全不與人爭放出無狀來便不可當
張文潛曰老子忍心無情視天下之人皆
土偶便是殺人不卹遷亦宗老子者故其
敘太史公曰學天官于唐都受易於楊何
習道論於黃子至於李陵之救遷不自有
其身矣大較學老氏之學口談性命中懷
慘礪如此今天下家詩書戶說以眇論
聖天子在上統一聖真賢輔弼在下力崇實學
以治術發揮道術無不一而亦無可議矣

然一黃帝也吾儒家宗之彼老氏家亦宗
之若遂無二者大無不包小亦可入始本
一致流遂多岐理或然也試嘗揣摩今日
之道術則亦有三焉攘臂宋儒粉飾佛老
之堂奧兀坐捫心寬衣博帶而嘗示人以
不可知不可解者名曰道學家饜班馬之
唾咳效李杜之曠里結社雄談羣居嘲諷
而嘗自以爲道之所在起視天下無足當
其意名曰詩文家得其時則駕不得其時

則蓬累而行一意當世進則憂其君退則憂其民不爲虛談無用名曰功名家三家者總皆目之爲儒而道學家則于司馬遷所謂道者嘗陰取而陽棄之矣夫道學家使人迂而多無當岐路旁午本體失真異服游食創見駭而難盡信至其回旣放之人心如寐者使寤此不可少也獨其徒言而行不逮廢紀綱納汙垢是不可長也詩文家使人蕩而多失真豪舉不顧爭一字

之研至其咏歌太平鋪張王化此不可廢也獨其耽溺爲狂又或名高以爲敵國至不相下此不可有也功名家使人往而嘗喪其所守充一富貴之念何事不可爲至其整齊世道維持人心此不可後也所以囊括三家之道術而歸之一非此不可也獨其急利忘君先身後物或遂拓落平生之所學此不可不察也三家者遞爲世輕重然吾以爲道學家取名嘗先而其愛惡

亦嘗多是偽者牴之耳要未可以絀其真者詩文家是在六藝爲急然文爲有用而詩不列之科目卽嫻於此奚亟也詩亡而後春秋作豈是之謂乎功名家則反虛歸實去亂還真爲得其正矣或者以爲孟軻闢楊墨吾以爲必軻斯可耳韓愈歐陽脩闢佛老吾以爲必愈必脩斯可耳獨不觀之孔子乎聃之道孔子所知者而始見之曰老子其猶龍乎繼見之曰吾道其猶醯

雞與道大難名曲取不厭此孔子之所以爲大也夫正道不泯而邪說難強世謂楊墨佛老無父無君今有甘棄其父母君上捐妻子而學者乎吾恐非人情也有樂毀其冠裳裂膚體而學者乎吾恐非人情也吾儒之道聲名以章之文物以紀之禮樂以輝煌之可謂樂趣而猶然有悖畔者此其故必有在也夫水之寒也火之熱也金石之堅剛也此數物者未嘗有言而人莫

不信其然本真素著也子思曰事自名也
聲自呼也貌自眩也物自處也人自官也
無非自己者吾敢以是望諸今之學者堯
舜興而民好善桀紂興而民好暴設餌於
下而魚爭食之縣和於旂而風爭鳴之孔
子曰人有五儀有庸人有士人有君子有
賢人有聖人審此五者治道畢矣振起而
合併之是所望於司世道者

第四問

周禮

同考試官訓導莊

批

晉字如漢文唐詩此古今不易

之評子能參任發揮而心畫之談尤日用之不可不講者言錄

考試官教諭彭

批

書法變心畫傳藝行畫

考試官教諭李

批

證據詳明予舍尤確

天下有若緩而關鍵實切似易而肄習實
難者書法是也天下不能一日無事有事
則必求所以紀載是事者書也人心不能
一日無感有感則遂易以紛拏是心者亦

書也而修明之爲要矣昔者生民之初渾
渾噩噩結繩而治物各得所伏羲感河圖
之瑞八卦作焉一畫一心也推之六十四
卦莫非此畫也亦莫非此心也而書契由
此以造結繩之治由此以代黃帝倉頡感
鳥獸之文與蹠迹之迹分理可別而異也
爰作鳥跡書書此心也鳥獸之文亦莫非
吾心之文也是故六書一曰象形二曰假
借象形不足而繼之以假借焉形不可勝

紀矣三曰指事四曰會意事不足而繼之
以會意焉事不可勝書矣五曰轉註六曰
諧聲會意不足再繼之以轉註諧聲焉意
不可勝述矣然則蹊逕榛蕪波流曼衍寧
俟後世始然哉然禹碑之記承帝曰嗟石
鼓之文避車旣工莫非古文也史籀作大
篆與古文或異孔子書六經左丘明述春
秋傳皆以古文嬴秦不經滌除舊典大發
隸卒獄務繁興李斯奏罷不與秦文合者

於是斯作倉頡篇中車府令趙高作爰歷
篇太史令胡毋敬作博學篇小篆興焉取
史籀之篆而省改之也程邈臯繫雲陽獄
增減大篆去其繁複隸書興焉始皇善之
出爲御史名之曰隸謂施之於徒隸也八
體迭興萬態畢起嗣是有八分有真草有
真行草行或云楷書草書始東漢董仲舒
欲言災異藁草未上卽爲藁書草已萌於
此矣楷書上谷王次仲作水經曰秦皇三

召次仲不至令檻車送之次仲化爲大鳥
落翮居庸山中然則真草之變寧俟漢乎
大抵世道日自簡而趨於繁人心日自醇
而趨於僞惟簡與醇則鳥跡科斗用之而
有餘惟繁且僞則篆隸真草用之而不足
建安之際徐幹曹植曹孟德父子大其傳
以及於晉永和之間鍾繇王羲之一門益
精其學而後世稱書法者必曰晉矣然晉
何以獨擅其宗也隸草之興已數百年矣

時諸法皆備至此有所揣摩以定其變當其時人以清談爲宗虛曠爲懷修容發語以韻相勝無所紛悟以撓其衷君修於上臣勵於下卽今歆豔人間者上下往來紛輪變化有所興起以成其盛自伏羲倉頡以後而書法至此凡數十變變之而極遂不可復更易是猶茹毛飲血之變爲粢盛而勢必不能以復毛血也巢居穴處之變爲宮闕而勢必不能以復巢穴也篆隸之變爲真草而勢必不能以復篆隸也晉之以書稱盛而後世言書者必曰晉也猶秦人漢人之以文稱而後世言文者必曰秦漢也亦猶唐人之以詩稱而後世言詩者必曰唐也袁昂曰鍾繇之書秦漢以來一人而已劉靜能曰鍾王雖變新奇而不失古意信夫有唐聿興以書著名者無慮數十家如歐陽詢薛純虞世南褚遂良李懷琳杜審言張旭孫過庭諸人輩獨柳公權

之諷憲宗曰用筆在心心正則筆正爲得
心畫之旨先是漁陽鞞鼓河北風靡不識
顏真卿作何狀乃能如是今觀其季明草
坐位帖挺挺忠義不磨雖與日月爭光可
也則又有出於書法之外者宋代繼作亦
無慮數十家如李建中杜衍歐陽脩米芾
黃庭堅司馬光范仲淹虞允文輩皆其表
著者獨程顥有言曰某作字時甚敬非要
字好只此是學敬以聚心心以統字爲得

其本矣蘇軾論書法必論其人平生如云
林和靖清勁類其爲人歐陽詢貌寒微敏
悟過人其書勁險厲正稱其貌是知凡書
象其人爲得尚論之正者元季不綱大倫
攸斃本之則亡末如之何夷考其時固亦
有得書法之傳者趙孟頫是也一洗唐書
直師晉代虞文靖曰鄧書太枯鮮于太俗
安能及子昂萬一近代有謂其爲右軍之
後一人者則書法正矣而以趙宋之宗漢

甘胡元之臣虜弟子和南中峯老師之稱
豈爲得當彼固藉是以爲名高欲逃其臣
元之謬且將託以不朽而不知識者竊鄙
之矣夫字心畫也揚雄曰傳千里之志志
者莫如書是故程能者法也變態者時也
作則者人也如其人則以顏魯公亦有田
舍翁之誚見於李後主柳亦有惡札之譏
見於米元章而君子重之其大者先立也
非其人則以趙孟頫之酷似王羲之而世
不爲重君子可徒以執焉視之哉要之人
不能違乎法法不能外乎心王羲之臨鍾
繇帖勝其自運王學鍾而變乎鍾也鍾繇
見蔡邕帖椎胸三日嘔血鍾學蔡而變乎
蔡也蔡邕八分本乎李斯小篆李斯本乎
史籀大篆史籀本乎倉頡伏羲倉頡伏羲
本乎龜圖鳥跡其始也未必不各有所因
古文出而龜圖鳥跡失其象大篆出而古
文掩小篆出而大篆藏八分出而小篆之

行不遠以至於晉遂無以加李嗣真曰右
軍書法不一變格難儔如樂毅論太史箴
其體正直有忠臣烈士之風告誓文曹娥
碑其容憔悴有孝子順孫之象逍遙篇孤
鴈賦其跡遠趣高有拔俗抱素之奇畫像
贊洛神賦其姿儀雅麗有矜莊嚴厲之態
蓋見象以成字非得意以獨研甚哉事心
之要而變化爲難也雖然今變化極矣漢
宣帝時命諸儒脩倉頡之舊不能復光武
時馬援上疏論文字之僞謬其言詳矣周
禮有太史行人九歲四方之正王制有析
言破律亂名改作之刑傳曰書同文書曰
予欲聞六律五聲八音在治忽以出納五
言汝聽是在考文者加意焉

第五問

魏烜文

同考試官訓導楊 批

敘漢事如指諸掌上末曲

從區處尤深杞漆之懷子先天下之憂文矣錄之並徒以表其

考試官教諭彭 批

割答時務大不類經生語

考試官教諭李 批

字比句柳識遠思闊

夫獨化甄陶者天地之德也蓬涌源泉者帝王之仁也造化無疆則八埏並育王仁無外則四裔胥生是故天不頗覆地不偏載王者覆物如天載物如地能使東西一候南北一尉函夏一家下及魚鼈上及禽鳥跛行喙息蛸動螻飛之屬莫不就安利去危殆旁魄四塞洽于和平書曰帝德光

天之下至于海隅蒼生罔不率俾詩曰率履不越遂視既發相土烈烈海外有截記曰中國夷蠻戎狄皆有安居和味宜服利用備器皇皇哉帝王之業所為配天也蓋肇自皇初訖于叔代語采地千里之內目甸千里之外曰采曰流語疆域五百里綏服三百里揆文教二百里奮武衛語朝貢吳越以珠發朝鮮以皮毳禺氏以璧毳崑崙之虛以璆琳琅玕外是則人迹罕至流風

猶微上仁所不化茂德所不綏矣求其兼
容并包遠撫長駕以六合爲境九州爲室
八藪爲固四海爲池億萬姓爲臣妾踰繩
越契孰有如

今日者乎生滇人也請以滇論夫滇周之百
濮漢之西南夷也其類氏其屬靡莫其人
僂爨僮獠域殊種別馬牛其風自楚躋開
疆秦政頽略通道始以名入中國漢始置
益州郡其渠酋賢栗朝貢內附厥後附叛
不一諸葛亮南征益郡始平唐蒙舍立國
稱南詔旣皮羅閣築城自王尋以守將起
衅鮮于仲通討之唐軍盡覆宋鑒唐禍以
玉斧畫大渡河絕不與通然後段氏得以
睨臨僂爨以長世矣由斯以論置郡者令
自葆就官非我設也朝附者不讓不貢不
告不王法非我飭也王之者幸借其力滅
詔破蕃懸爵以荅其功恩非我出也斧畫
之者不欲罷弊所恃以事無用威非我播

也乃

今日塹山堙谷啓土披地矣方制提封同文
共規矣拯溺龕暴布德抗稜矣驅駒町爲
編戶更黜結爲冠裳魁頭露紵解辯請職
焦齒梟矚迴面革心絕鞮譯之傳撤藁街
之邸蓋自我

皇祖攢善闡俘段明叩勒揚首蹂躪平緬混炎
區而一之以及

列朝休養生息利其貨用阜其財求羣以師儒
建之庠校以茂正其德而厚其性乃今時
享歲貢入稅給繇訓經鬯達文物昭宣莫
不家有詩書人襲組紱矣然夷考其世滇
地雖逖天覆則同滇族雖夷人性則一觸
之可發豚魚自乎擾之可馴猛氏亦服漢
唐以來龍佑那漸出山林徙居平地是慕
中國之德也鳳伽異入朝得樂一部以歸
是沿中國之樂也西瀘令教異牟尋以祀
嶽瀆改官號是法中國之禮也段正淳遣

使求經籍得六十九家是購中國之書籍也惟中國德不能徠威不能讐恩不能綏信不能通以故正朔不加羈縻弗絕非我祖宗大赫威武無以犁其庭收其版章非我祖宗大脩文德無以救其境釐其土俗肆我皇上嗣服罷採金之令以藏富於民增比士之科不遺賢於野所謂

帝德光天率履不越成率俾有截之化巍巍乎信道遠三代術長前世矣雖然未雨徹土

無畏下民未濡戒禰可濟終日故治不忘亂安不忘危者保邦之閔略也圖難於易爲大於細者馭世之遠猶也滇地安矣然疆徼厄塞滇人治矣然華裔雜居卽今熙洽日久釁孽少萌卒有椎埋胙篋之姦獲之鳥散急之虎噬非可走尺檄而械致也山箐諸夷盤據險阻如放豚悍於冒絡野鹿駭於牢籠非可接比伍而尋躡也土官裂壤而守各私其家山明不分瘞瘵瘵生

非有憚繩墨可以拘束爲也夫以孔棘之地棲雜處之民間以無嚴黜陟之官苟非事制曲防却顧長慮使簡節踈目廢法弛威竊恐氣洩鍼芒隄潰蟻孔民未得常寧地未得常安也吾聞元江臨安南通交趾金齒騰衝西擁諸甸自曲靖迤北而東彈壓烏蠻是不當稽關簡邏楹其咽喉設候保圉謹察出入乎吾聞武定麗江姚安北勝鄧川霑益稍雄兵力尋甸一路兵衛漸

疎是不當簡師征役庀賦訓戎覈土酋爲率編部落爲兵乎滇欲假道必出貴竹萬一衝決何以禦之吾聞滇地有徑可達馬湖武定可達建昌川陞縮轂榛蕪莫啓是不當鑿磯增傳以通其道乎若謂菁夷難禦土官難束則

朝廷紀法昭然具存申飭舉行是在良吏故嘗譬之中華扃戶也四裔藩垣也藩垣圯盜得闌入卽有戶不能止故汲汲然不終

日而連繫顧家也流官宰也土官臧獲也
宰識家法輒不敢橫悍臧獲則黠矣故馭
之各有道焉習人情也中州之民馴駟也
邊夷馱駟也御駟者垂其轡勒若馱駟之
騎則重勒而複勒不則覆軌者幾矣物性
然也故知治滇不可一切寬假以寬假治
之益以諄諄

主上綜理典章端平法度聲教遠訖威靈肆行
卽暗昧得明疎逖不閉矣矧我滇乎是故
莫高匪天杞人慮墜莫細匪葵漆婦憚饑
今日愚生之言卽杞漆意也所謂憂治危
明也

雲南鄉試錄後序

萬曆己卯秋八月滇南當舉

士御史

維

祇奉

上命防範禁緝之規視昔加苾復
以正文體公掄選而申戒約
焉諸執事懍懍肅肅將事竣登
籍以

獻

師古

謹遵故事序諸末簡竊
惟文章與治運相通治化之
盛也必由近而及遠文教之
盛也貴由文而返忠昔者神
禹治天下其道以忠近民忠
不斲文而文命自敷書稱東
漸西被南暨北訖其化最遠

而綦隆則忠之效大也嗣是
而殷而周質文迭變亦其勢
之所趨然耳孔子載觀三代
之治則曰虞夏之道寡怨於
民殷周之民不勝其敝蓋至
於周末文勝列國方軌是以
有從先進之思也滇昔爲靡

莫之屬然禹貢黑水出梁州
西南則昆洱蒼黑之間固禹
功敷治暨及之地

太祖高皇帝初平滇南嘗諭羣臣
以爲氣厚風和君子道行之
所蓋取其忠信誠樸與雕巧
飾詐異故欲返渾噩敦龐之

風不用夏之忠者宜莫如滇
士

列聖纘圖懋熙鴻化

今上

神聖

御極道暢九垓雖滇南遐陬亦霑
聲教一時明經之士標表藝

林策方之臣布列

朝省彬彬文獻與中州上國埒

矣此

聖化由近及遠之徵也邇歲文體
稍趨華靡

皇上屢發

德音

勅諸士敦尚實行文必爾雅頃又
俞言者請

明詔申諭至三惓惓焉欲救文之
弊而返之忠海內人士爭勵
濯奮矧滇士稟和厚之風承
作新之化宜其機動而矢應樞
運而戶從也今觀其文類皆

宗本經傳敷陳義理恢談王
略陋斥霸功易詭恠爲雅馴
化剽剝爲渾厚如過盤江層
崖之巔而見滇南清和夷曠
之境履金碧昆明之勝而覩
其蜿蜒磅礴之形也可不謂
盛歟雖然師古特取其文耳

未考其實也夫士挾策而進
也莫不有析珪儋爵之思及
其進而膺一命之榮也莫不
望其聲光之隆勢位之顯其
騫聲光而要勢位也則其所
以事

主而治民者不務出於忠信誠慤

之道鬪巧而炫奇鬻長而伐
異如膠舟不渡江海畫龍不
會風雲卽係籍清華識者以
爲謬舉矣師古欲爲諸士申
久要之義其道亦不外乎忠
夫忠者不二之心而臣道之
紀也諸士遭逢

熙運行將上公車服官政尚宜求
肩一心毋爲聲華勢利所惑

入告

君上摠誠自獻出經邦國勤力于
宣翼贊

聖朝尚忠之治躋世於虞夏殷周
之盛則庶幾哉是身爲不

矣古者諸侯貢士於上試之
射宮中多舉者有慶中少舉
者有讓當

聖主寤寐求賢之日卽濫有匪才
進則士有恥聲主司并與罰
諸士其慎之哉

四川成都府華陽縣儒學教

諭彭

師古

謹序